

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaateqarpunga:

Apeqqutit:

- **Naalackersuisut isumaliutigisimanerpaat, Neqip toqoraaviani tunisassiornermi sinnikkut igiinnartagai eqqaavimmut iginneqaannartartut, tunisassiareqqeriarlugit tuniniarneqarsinnaanersut?**
- **Naalakesruisunit eqqarsaatersuutigineqarsimava neqit tunisassiornermi sipporuttut tunniunneqarsinnaanersut tuniniarneqarsinnaanersulluunniit Narsarmiunut isertitakitsunut?**
- **Naalackersuisut qanoq iliuseqarniarpat inuit pissakitsut nerisassaqarusullutik Neqi A/S-imi tunisassiornermi neqinik sinnikunik eqqaavissioortariaqarnerat pinngitsoortin-niarlugu?**

(Inatsisartuni ilaasortaq, Suka K Frederiksen, Siumut)

Tungavilersuut:

Ajuusaarlunga nammineq takusimavara, Narsami innuttaasut arlaqaaluttut aalajangersimasumik eqqaavissioortartut Neqi A/S toqoraaviup igitai iluatissarsiofiginiarlugit. Toqoraaviup akuttunngitsumnik annerusumik minnerusumilluunniit neqinik igitsisarpoq, naak neqit takuinnarlugit ajoquteqarpassinngikkaluartut, tunisassiornermi taamaallaat tulluartinngisaat. Kukkunerusoraara toqoraaviup neqinik sipporuttunik igitsiinnartarnerat, naak akilernagit tunniutiinnarsinnaasut imaluunniit akikitsunnguannorlugit tunineqarsinnaasut inunnut pisariaqartitsisunut, massakorporiarlu inissisimanertik najoqqutaralugu eqqaavissioortariaqartunut, imaluunniit aserorterivikkoortillugit qimmit nerukkaatissaatulluunniit tuniniarneqarsinnaasut.

Tunisassianik sinneqartoornaveersaarnissamik pilersarusioortoqarsinnaasuuppat najukkami suliffissanik nutaanik pilersitsisoqarsinnaagaluarpoq, kommunillu suliffissaqartitsiniarneranut annertuumik tapitartuutaasinnaalluni.

Apequtikka ullut sulffiusussat 10 iluani akineqaquakka.